

欽定剿平三省邪匪方略

正編

十六



欽定剿平三省邪匪方略正編卷二十九

丁巳年

二月十五日

丙戌

惠齡恒瑞慶成舒亮奏言前次

差探東北一路逃匪經阿爾薩朗訥音分投跟

剿茲據阿爾薩朗等報稱賊匪由洛陽店均川

一帶逃竄一面知會明泰帶兵迎往官潭阿爾

薩朗等卽統兵由洛陽店一帶進剿及到均川

賊已先期遁去隨卽趕至官潭賊匪經明泰剿

向北竄並據明泰稟稱該總兵行至官潭天色已晚正欲紮營賊匪忽從山後蜂擁而來公然撲犯明泰隨令馬兵抄截衝散賊匪分爲兩截左右圍裹明泰督率叅將馬爲錦遊擊朱廷進亦將兵分爲兩翼迎頭擊剿賊匪愍不畏死悉力抗禦黑夜之中互相攬殺明泰左腿受有矛傷二處官兵人人憤恨奮力向前殺死多賊餘

匪始四散潰逃該處山路甚雜時已昏夜不便

窮追卽於該處紮營臣等查東北一路山勢綿

延與河南之桐栢等縣連界臣等已飛飭楚豫

兩省邊界州縣嚴加防堵茲復馳檄各該處加

緊嚴截並知會景安一體飭備以免闌入一面

飛札阿爾薩朗訥音及叅將馬爲錦烏爾卿額

候補知府鄭成基同知周李堂等將此敗竄之

賊分投截剿並於各要隘密行佈置晝夜巡防

勿使逃逸又據應山安陸等縣具報大兵節次

剿散餘匪或二三百人或一二百人及數十人

不等間由山僻小路潛逃入境一經鄉兵截拏

賊匪卽分路逃散此等潰匪因被官兵追殺不

暇與賊首姚之富等會爲一處是以紛紛散竄

冀延旦夕更恐分路牽掣官兵致令首逆乘機

遠竄若必處處分撥官兵愈分愈單惟有探明
姚之富等實在去向上緊擒獲則餘匪不難次

第埽除適差探回報姚之富等現由大洪山左

近奔逃臣等公同商酌臣恒瑞慶成同碩雲謀

六十七分帶馬隊繞至賊前攔截並令總兵富

成帶兵伏於路側臣惠齡舒亮等帶領官兵由

長岡嶺一帶進剿行至三里岡探聞小阜街有

賊匪千餘人屯聚臣舒亮帶領馬兵繞至前面

迎頭剿捕臣惠齡等從後掩襲將抵小阜街果

見賊匪各持器械紛紛行走猝見官兵不及逃

竄各拚命抗拒我兵排鎗擊打殺死多人山東

遊擊默爾根射死執旗賊目一名衆兵生擒周

則仁等二十餘人臣恒瑞慶成已經繞至前面

賊匪見官兵四面驟至驚竄之餘盡捨命衝突

官兵鎗打箭射賊奔上山梁我兵復尋路繞上
爭先追捕殲斃五百餘人拿獲賊目李士英邱

添有等十七人其餘賊匪奔竄下山又遇富成

等伏兵齊起殺死無數生擒袁有裕等四十三

名隨提問周則仁等犯嚴訊均無要供當卽分

別寸磔梟示偵探賊人盡從西北一帶奔逃

臣

等所領各營馬隊最爲得力

臣

惠齡到營時查

看可以乘騎壯馬不過四五百匹今月餘以來

晝夜馳驟馬力不無勞乏經景安疊次協濟馬

三百餘匹臣惠齡復知會撫臣汪新在於楚省

購辦本地之馬陸續解營以資更換一面分派

馬隊將各賊設法兜圍驅歸一處以備官兵合

力痛殲

同日額勒登保德楞泰等言查楚北襄陽教匪

於屢經剿殺之後尙敢四路奔竄前接惠齡等
咨會當將乾州鎮筰附近分駐之荊州滿兵一
千七百餘名及陸續撤出之綠營官兵二千餘
名令將軍與肇及副將劉廷基等分起由水路
前赴襄陽以資分派臣額勒登保卽行起程速
赴楚北如尙有應行添帶官兵之處俟路過乾
州再於廣東廣西兵丁內酌撤二三千名隨帶

前去以期得力至黃栢山一路已有勒保帶領
貴州之兵到彼與福寧會合足敷剿捕惟聞該
處山路亦極險峻恐尙須添兵力茲查有原駐
花園後路之宜昌施南等處官兵應行撤回者
約計尙有二千餘名現今宜昌鎮總兵張廷彥
帶回本處並知會福寧等如果需用卽可就近

酌調

臣

德楞泰遵

旨與明亮同赴達州協力剿辦所有川省官兵除前

派川北鎮朱射斗副將長春等帶回二千餘名

外現在苗疆尙有三千餘名已全數撤出卽日

統交提臣穆克登阿總兵達音泰等督率將領

分起行走並於原調之五寨屯兵內挑出五百

名兩金川降番內挑出一百名一併帶往其餘

病弱殘廢者悉行遣回以示體恤均奏入

上命軍機大臣傳諭惠齡額勒登保景安汪新曰此

次賊匪向官潭小阜街等處逃竄經惠齡等帶領

將弁官兵分投迎截雖殲斃賊匪五百餘人生擒

六十餘名尙不爲多且惠齡摺內祇稱東北一路

賊匪經阿爾薩朗明泰剿殺紛紛潰逃究竟逃往

何處摺內未據聲明又西北一路賊匪經惠齡由

自小阜街掩襲摺內亦祇稱餘賊奔竄下山仍向西

北奔逸又究竟逃往何處亦未聲明東北一帶與桐栢山相近固當防其竄入而西北卽係呂堰樊城及豫省鄧州浙川等處尤不可不嚴密堵截景安務與王文雄督率弁兵鄉勇於毗連楚省各要隘加意巡防汪新現駐襄陽亦應一體迎堵截殺使賊匪無路逃生不致再有勾結至額勒登保等奏將荊州滿兵及綠營兵共三千七百餘名交與

肇及副將劉廷基帶領前赴襄陽著傳諭興肇加

緊趲行到襄助剿惠齡一路官兵剿捕已久未免

稍形疲乏今得此勝兵壁壘一新振作士氣更爲

得力總兵明泰打仗受傷現在曾否痊愈並著附

便覆奏至各營馬隊追賊最爲得力今旣間有疲

乏自應酌換業經景安協濟馬三百匹外著汪新

再於本地上緊購辦迅解軍營如楚省一時購辦

不及仍著景安於河南省酌量辦往協濟但賊匪俱係步行我兵騎用馬匹祇須足敷追捕之用亦不必過多致滋糜費賊人雖俱係本地匪徒熟悉路徑而惠齡等隨營鄉勇亦多係該處之人何難令其在前指引或繞至賊前或預行埋伏以便隨路剿殺惟在惠齡隨時調度勿得藉口賊人熟悉路徑稍稽剿捕

十八日

巳
丑

上諭內閣曰湖北賊匪迭經官兵痛剿日就窮蹙現
因逃竄餘匪尚須搜剿淨盡需費正多著於部庫
內撥給銀三百萬兩並著梁肯堂委員赴京領運
至河南交界地方景安卽預行委員等候接替前
進運赴襄陽交與汪新等收領備用

二十日

辛
卯

柯藩奏言前

臣

會同秦承恩剿辦光

頭山賊匪事竣馳抵興安接在宜綿知會以通
江巴州之賊現經川陝兵勇四面兜圍易於蕝

事令臣欽遵節次

諭旨仍由紫陽前赴太平協剿東鄉達州之賊現在

趕緊部署酌帶弁兵卽日赴州協剿

同日秦承恩奏言上年九月內四川達州匪徒
蠢動闖入陝省興安境內所到之處居民多破

焚掠附近村莊俱有棄家逃避者經_臣派委妥

員分途查看先令搭棚棲止散給饘粥隨照災

賑之例大口日給米五合小口減半以資口食

其有實在號寒者酌給棉衣俱問明住址分別

註冊目下陝省境內全就肅清時當東作應令

復歸本業及早春耕但該民人等籽種口糧牛

具房屋蕩然無存情堪憫惻仰懇

皇上天恩再行分別賑借無論極次貧民概行賑卹

三個月折色口糧被焚房屋瓦房給銀五錢草

房給銀三錢令其自行蓋造仍各借給籽種牛

具俾資耕作臣現已分飭委員趕緊清查辦理

本以廣

皇仁均奏入

上命軍機大臣傳諭秦承恩柯藩曰前因秦承恩奏

稱興漢一帶道路遼遠營汛稍單曾有旨令柯藩
或於途次轉回幫同秦承恩駐劄漢中照料一切
本日秦承恩摺內稱陝境肅清可見該撫前奏不
免張皇此時柯藩自應迅赴達州與宜綿等上緊
剿辦東鄉賊匪爲是至秦承恩所請撫卹興安地
方民人各事宜均著照所請行

二十二日

癸巳

明亮德楞泰奏言查黃栢山教匪

已經官兵連奪賊卡嚴密攻圍茲又將隨征苗
疆之宜昌施南等處官兵酌派二千餘名交總
兵張廷彥帶回聽候福寧酌量調用想該處賊
匪可期剋日殲除惟達州一路教匪節據觀成
英善等知會白東鄉失陷賊勢較張近日又與
巴州屬之方山坪王家寨土壩營教匪勾連起
事自達州以致太平大路亦有梗塞查川省民

情向來喜事遊惰之輩亦多而巴州等處界連

楚陝地方遼濶尤爲藏奸淵藪若非厚集兵力

剋日剿除設再有蔓延關係甚重臣等權宜緩

急自應帶兵赴川以期迅速集事是以現將應

撤川兵三千餘名分起間日進發臣明亮卽帶

頭起官兵定於十三日自永綏起程臣德楞泰

俟川兵全撤隨後督催前進並查此次苗疆所

調滇省官兵幾及二萬除現在酌留苗疆二千

名外其餘概應撤回臣等公同商酌因達州大

路教匪旣形猖獗應請於撤回滇兵內擇其與

川省較近營分挑出三千名一併帶往實為便

捷

同日景安奏言臣接據總兵王文雄來信賊匪

又復北竄至桐栢隨州交界處所王文雄帶兵

前往迎擊途遇慶成德光德齡帶兵前來抄截
該總兵遂會合一處併力截剿又聞惠齡恒瑞

亦帶兵前來賊匪又復分爲兩股折回逃竄一

股由山路奔往東南一帶慶成德光德齡等帶

領馬步隊前往抄擊王文雄帶兵於桐栢交界

要隘攔截一股復向南竄惠齡恒瑞等帶領馬

步隊緊壓追剿賊勢實已窮蹙惟官兵趕到賊

卽望影奔逃竄徒無定臣已飛飭南汝道率同

地方官齊集鄉勇設卡防守又派叅將德勝都

司蘇大雄帶兵六百名分守關隘並知會王文

雄就近偵探賊匪如向信陽一路奔竄卽移兵

前往相機堵截西路淅川甫經剿定已留兵一

千名並派文武幹員帶領巡防足資彈壓中路

鄧州新野唐縣地方平坦幅幘遼濶在在均關

緊要所有之兵僅數百名實屬不敷是以臣暫

駐中路率同文武多集兵勇以資堵截均奏入

上命軍機大臣傳諭惠齡明亮額勒登保德楞泰景

安曰明亮奏將應撤川兵三千餘名分起間日進

發於十三日自永綏起程德楞泰俟川兵全撤隨

後督催前進並於撤回滇兵之內挑出三千名帶

往務須加緊行走迅速到川額勒登保先經起程

前赴楚北亦應加緊進行本日據景安奏賊匪分
爲兩股一由山路奔往東南一帶慶成等帶兵前
往抄擊一向南竄惠齡恒瑞等帶兵壓追此股向
南奔竄之賊諒姚之富等自必在內是以惠齡親
往壓追惠齡等惟當倍加奮勉務獲首逆迅奏成

功

二十四日
乙未惠齡恒瑞慶成舒亮奏言據阿爾

薩朗訥音報稱探得東北一路賊匪竄往唐家

店地方隨即繞至該處賊人一見官兵排列抗

拒阿爾薩朗訥音分帶馬隊衝入中堅並令翼

長七十五委署前鋒叅領保亨帶領步兵分爲

兩翼左右並進候補知府鄭成基同知周季堂

叅將烏爾卿額等帶領鄉勇繞過賊後截其竄

路賊匪見馬隊衝入即思返身回竄因被鄉勇

圍截遂捨命直撲前來鄭成基周季堂等身先

士卒奮勇截殺官兵從後追擊登時殺死三百

餘人餘賊冒死奪路盡向西北奔逃時因近夜

卽在該處紮營詎賊匪狡獪異常於三更後復

從溝內潛出齊來撲營經官兵鎗礮齊發擊死

無數保亨跳出卡外射死執旗二賊餘匪始退

鄉勇頭人郭輝五執矛趕上連斃三賊不意頭

中鎗傷陣亡衆兵勇等生擒賊匪黃大德等二
十三名訊稱此夥賊匪係王大樹帶領因探聞

姚之富等被官兵剿散向石門一路潛逃是以

王大樹差人各處招聚逃散夥黨現有二千餘

人一同跟尋希圖會合張富國現因年老多病

已將所領一千餘人交伊徒陳谷保率領僞稱

元帥等語當將該犯等正法

臣

等探明姚之富

等率其黨與逃出石門與黃大德所供相合因

恐其竄入豫境隨知會景安並總兵王文雄加

意堵截一面令總兵德光德齡帶兵二千名由

三合店繞向鄭家河遏其北竄之路臣恒瑞慶

成舒亮同碩雲保六十七並巴圖魯侍衛丑保

等分帶馬兵由西南一路兜剿臣惠齡帶領文

武員弁由東北一路圍截十三日臣恒瑞慶成

舒亮等行至曾家店遙望山梁上賊旗布滿分

爲數隊約有四五千入適

臣

惠齡率領馬步官

兵亦抵該處合兵馳上山岡賊匪分遣夥黨從

上壓下我兵鼓勇直上鎗箭並發賊匪公然不

退並見騎馬賊內有一賊手執大旗左右招搖

抵死抗拒前賊被殺後賊復前

臣

等隨親督官

兵一齊衝上兵鋒所到殺死五百餘人賊始潰

散盡從白雲山西南奔逃我兵在後殲剿又殺

死三百餘人臣慶成帶領巴圖魯侍衛等將執

旗賊目生擒並拿獲夥匪廖正楚等五十二名

臣慶成胸右受有矛傷三等侍衛哲克頭受石

傷均不甚重現仍帶兵打仗臣等因思賊衆旣

向白雲山一路而逃必由石門行走當卽商定

臣恒瑞率領原帶官兵另覓小路飛赴石門截

剿時值王文雄帶兵前來十四日與德光德齡

相遇當卽合爲一處行至鄭家河正遇臣等剿

敗之賊蜂擁逃至隨縱兵掩擊賊匪進退無路

竟敢直前迎撲我兵鎗箭並施又殺死三百餘

人各賊料難抵敵分向山內狂奔臣等當卽連

夜分投追剿至十五日於新城地方又殺死四

百餘名生擒賊目李潮等三十二名及騎馬小

見一名餘匪棄其輜重復分兩股向東南西南

奔逃^臣等因官兵連殺三晝夜未免稍乏且離

豫省邊界已近是以暫行紮住隨提執旗賊目

並小兒等逐一質詢據賊目供稱名喚陳谷保

係張富國之徒張富國年老手下賊夥俱交該

犯管領僞稱元帥李潮卽係該犯名下小頭目

現在王大樹等已與姚之富會合今被官兵剿

敗姚之富等復行分竄逃生他們原說如遇官兵

不能抵敵即四散分逃使官兵難以追捕今逃

往何處實不得知道小兒名叫姚裕是姚之富

之孫姚是瓏之子等語質之李潮廖正楚等供

亦相同當即分別寸磔梟示 臣 恒瑞舒亮隨帶

官兵向西南進剿 臣 慶成等帶兵向東南追捕

臣 惠齡並向正南接應東西兩路探知四散潰

匪於十六日紛紛逃至解家河臣惠齡卽帶兵

到彼探得左右山坳各有賊匪二三百名潛匿

當遣副翼長富廉叅將穆克登布帶兵往剿左

手山坳之賊協領穆克登佈副將皂靈保帶兵

往剿右手山坳之賊臣惠齡率領道員先福恒

慶等居中策應賊匪不料官兵驟至爬山越嶺

覓路亂逃官兵兩路兜圍立將各潰匪全行殺

集賢堂 卷之三
盡現仍確探賊蹤設法兜截務在擒渠迅速集

事

同日宜綿觀成英善奎舒勒禮善明興奏言

臣

宜綿明興於初五日行抵東鄉縣屬之大成寨

臣英善亦星夜趕至會同商酌張家觀地險賊

多非厚集兵力難以一鼓蕩平而東鄉縣治及
曾家山均經賊匪盤踞又於金峩寺清溪場兩

處分屯賊匪各數千人若同時並舉兵力實在
不敷若先攻一處賊人又必爭相接應况太平
達州新寧開縣界連東鄉之處均須撥兵防守
且鎮臣百祥攻剿王家寨又分兵勇數千現據
稟報尙未得手必俟王家寨方山坪以次削平
始能會攻張家觀臣等實深焦急適據普光寺
卡盤獲奸細宋思攀宋思福二名解營訊據供

稱張家觀賊首徐添德因聞官兵攻剿王家寨
卽於張家觀及東鄉各抽壯健賊匪數千定於
初八日由後河一帶覓路前往救援王家寨等

情臣等因思張家觀之賊旣已分屯於金峩寺

清溪場今徐添德等料官兵遠剿王家寨不能
卽來又思遠出救援所留守寨之賊必不能多
正可乘機攻剿現在兵力未充擬於後河一路

安設疑兵使賊匪不敢遽進臣等儘所有之兵

分路潛赴張家觀及東鄉乘夜攻取隨飛飭鎮

臣百祥等令其趕緊攻打嚴密堵禦並派都司

夏福等各帶兵勇百餘名於後河之雙河場瓦

窑壩胡家場周家河等處隘口多立帳房旗幟

以遏東鄉賊匪接應王家寨之路維時川北鎮

臣朱射斗帶領苗疆撤回川兵二千名亦陸續

到營適臣奎舒自打箭爐回至成都接奉

硃批奏摺令前赴軍營幫辦隨於初十日偕臣觀成

趕到督率朱射斗及將備等由馬鞍山至三墩

坡一路臣英善勒禮善督率鎮臣艾如文副將

富明阿等由冉家壩橫山子至茅坪一路同取

張家觀臣宜綿明興督率鎮臣索費英阿帶領

副將王清弼姜敏功等由老君洞襲曾家山直

趨東鄉縣治是日賊首徐添德等行至周家河

附近山梁望見帳房旗幟以爲兵勇衆多果不

敢進

臣

宜綿明興等已於是夜三鼓潛抵曾家

山賊匪果未設備官兵奮勇齊上一擁而登賊

匪驚潰當將寨柵燒燬火光燭天張家觀守寨

賊目周方遠等望見火起率衆下山趨救

臣

明

興索費英阿攔頭截殺賊衆拚命直衝短兵交

接正在相持之際臣觀成奎舒已抵三墩坡臣

英善勒禮善亦至茅坪各勵兵勇衝入賊柵賊

衆尙復抗拒艾如文等率衆先登鎗礮齊發賊

匪勢不能支望後退走乘勢擁進奪取賊卡趕

緊追殺至二層崖上臣觀成等令官兵用火箭

射入頭層寨內草棚火起延燒貯藥之所煙焰

四衝我兵四路用土袋填壕齊抵寨脚守寨之

賊倉惶失措我兵砍開寨門蜂擁而入擒獲賊

匪蕭良久等三百餘人老弱婦女燒斃及殺死

者無數餘賊皆翻山滾崖而逸臣奎舒勒禮善

督同將弁四面搜山臣觀成英善沿途追趕至

大東林渡賊衆尙在格鬪兩面夾攻賊匪擁擠

落河淹斃甚多生擒周方遠等一百餘人天色

黎明臣宜綿明與帶兵由曾家山乘勢攻取東

鄉該縣本無城垣賊匪知張家觀已破不敢迎

敵皆自東門竄出臣等卽分駐縣治內外以防

賊匪竄回派撥艾如文朱射斗索費英阿等分

路追殺逸匪並赴後河一帶邀截賊人歸路一

面招集難民妥爲撫卹並恐城鄉居民奸良莫

辨派道員李憲宜清查辦理所獲糧食什物分

賞出力鄉勇鎗礮軍械存貯備用賊日蕭良久

周方遠均帶重傷訊非緊要賊首卽凌遲處死
餘賊四百餘人訊明悉行處斬賊首徐添德等
知巢穴已破回救不及折而東竄經艾如文朱
射斗索費英阿等邀截擒斬其餘俱歸入金莪
寺清溪場兩處查金莪寺三面陡崖其險不下
於張家觀又與清溪場互相首尾兩處匪黨本
有萬餘人今徐添德又率强悍賊匪數千歸併

其中勢必恃險抗拒其地東北逼近開縣太平

等處又恐四出焚掠臣等飛飭各隘口添派兵

勇加意防堵卽日分路進兵迅速掃除庶免蔓

延爲害其巴州通江所屬王家寨方山坪兩處

賊巢現經兵勇四面圍困賊匪不能突出不日

亦可蕝事

同日德楞泰奏言臣於三月初八日行至新寧

接據觀成英善飛札內稱張家觀賊巢業已攻

克東鄉縣治亦經收復賊匪現據金莪寺勢仍

猖獗令臣將現領川兵卽赴金莪寺之西剿堵

臣卽同提臣穆克登阿鎮臣達音泰於初九日

馳抵楊柳坪軍營面晤宜綿觀成英善會商進

剿事宜適接明亮札知現在賊匪在金莪寺負

隅抗拒詢之士人均稱東鄉祇須嚴密堵禦並

無鄰近賊巢路逕可以進攻現查馬伏山緊臨

金莪寺之上如在彼紮營安兵向下壓攻最爲

扼要

臣

所帶川兵三千名先因金莪寺之南兵

力不敷卽經派撥五百名交遊擊沈宗文帶領

在白瓦溝添防又查達州兵力甚單東鄉所屬

之羅江口在金莪寺之西亦係達州緊要隘口

亦派留五百名交叅將胡尙賢帶赴添防所餘

川兵二千名臣卽帶領於十三日前赴馬伏山

軍營會同籌剿其後到之滇兵現已飛催迅速

行走臣惟與明亮宜綿等和衷熟籌趕緊辦理

均奏入

上命軍機大臣傳諭惠齡額勒登保興肇景安曰惠齡自到襄陽以來屢次剿殺賊匪今又督率將弁連日打仗殲戮多名所辦俱好著加恩賞戴雙眼

花翎並賞大小荷包用昭優眷恒瑞慶成等分路
剿賊均屬出力恒瑞慶成舒亮訥音阿爾薩朗碩

雲保著各賞金盒大小荷包王文雄德光德齡著
各賞玉搬指大小荷包以示獎勵其鄉勇頭人郭

輝五連斃數賊中鎗陣亡殊爲可惜並著從優卹
賞前據惠齡等奏賊匪尙有五六千人今經官兵
殲斃二千餘人其潰逃餘匪不過三千餘人現分

兩股逃竄業經官兵分路逼剿而豫省邊界先經

王文雄帶兵截剿景安亦已回至新野一帶現在

首逆姚之富之孫業經擒獲所有各首逆等諒不

過在附近地方潛匿無難跟蹤擒捕且賊匪紛紛

逃竄入山自必聚爲一處與灌灣腦等處情形相

似正可趁其聚集併力圍捕與肇現帶楚南撤回

各兵行走著漏夜加緊趲行迅抵襄陽與惠齡等

合力奮剿至額勒登保亦已帶兵前赴黃栢山一
路如黃栢山賊匪已經福寧等剿淨額勒登保卽
將所帶各兵移赴襄陽一路幫同惠齡等剿辦

二十六日丁酉福寧奏言據查卡總兵慶溥在天

池口地方拿獲奸細黃士榜押解到營臣親加

研訊據供賊首林之華等見官兵圍逼甚緊糧
食漸少思逃到長樂一帶地方焚掠屯聚令我

與張東山等十六人下來探看官兵等語

臣一

面卽密遣妥弁將張東山等按名拿獲隔別熬
訊供俱相同當卽凌遲梟示一面飛行知會成
德文圖及鎮將等加意防範十三日夜間果有
賊匪數百人潛下徑撲守備李光晟營卡我兵
已有準備俟其將至齊出奮擊賊人公然抵拒
候補叅將董寧川聞信帶兵前往我兵奮勇爭

先殺斃執旗賊目一名餘匪紛紛奔逃又爲伏
兵截殺及跌巖而死者甚多看來此時賊糧垂

盡其勢必思逃竄各路官兵紮卡堵截頗爲嚴

密惟查黃金嶂迤西有夜遊山一帶山梁爲賊

所佔最關緊要雖有卡座皆係鄉勇止可藉壯

聲援究難深恃前因成德文圖處兵力無多未
能撥兵攻取今添有貴州兵丁自應先將夜遊

山據守俾賊人無從逃竄當卽札知成德帶兵

進取並知會文圖同時攻撲小薄道嶺

臣

督率

諸神保慶溥關騰等分路攻剿以分賊勢文圖

親督官兵直至前敵令遊擊褚大榮帶兵奮勇

仰攻都司閔懷希帶兵接應賊人鎗礮搗石亂

發我兵不避危險搶至賊卡牆根用軟梯扒牆

賊人併力死拒因卡牆下臨陡壁僅容一人不

能競上又見有賊一股從山溝前來接應經副
將朱士奉追擊殺賊無數並乘勢拿卡一座向
前進逼維時成德帶領官弁兵勇乘夜進發逆
匪於緊要路口設卡堵拒我兵出其不意一齊
撲上連拋火彈將賊人卡棚立時焚燒攻破賊
卡斃賊八九十人餘匪棄卡奔逃我兵追至二
卡鼓勇先登立時攻破乘勢前進又將三卡攻

得遂將夜遊山一帶山梁全行奪取擇其緊要
處所拿營八座嚴爲堵禦阻遏賊人出路其西
面山根與諸神保一路聲勢可通已令相機妥
辦進逼賊巢臣並飭各鎮將率同弁兵更番迭
換緊對賊卡環放鎗礮晝夜不停使賊不得休
息一面悉心設法進攻務期立淨妖氛

同日景安奏言本月十九日據探報賊匪已竄

卷之三十一 皇朝卷三十一

至楊家塢距滹河鎮僅二十餘里正在派員帶

兵前往又據探報賊已至滹河鎮迤東新店一

帶村莊屯聚時已入夜臣先派令佐領塞博興

額帶領馬兵一百名進至賊屯迤北湖陽一帶

預爲埋伏諭令俟南略礮響卽行施放鎗礮遙

作聲勢使賊不敢北竄當派遊擊六十五都司

曹星帶領步兵三百名連夜前往四鼓時潛抵

賊屯處所賊匪並無營卡俱散屯各村正在酣
睡毫不知覺該遊擊等帶兵由西北面分爲兩
路施放連環鎗向村撲打賊匪倉猝驚慌紛竄
村外四散奔逃因夜間山路高低未能多有殲
獲然輜重牛畜拋棄遍地北面馬兵聞南面鎗
聲亦復施放鎗礮賊匪不敢北竄復向東路棗
陽一帶奔逃該遊擊等因夜深路險不便窮追

收兵仍回滹河鎮現在賊匪已出豫境探得惠

齡恒瑞等已帶領大兵趕抵棗陽吟風寺地方

抄截前來此股賊匪自可無虞復擾豫境再據

報東股賊匪被剿窮蹙又復竄至信陽邊界之

駱駝店等處

臣

當即飛催王文雄迅速帶兵前

往並接准惠齡來信已令慶成德光等帶領大

兵緊追抄擊茲據王文雄報稱賊匪至駱駝店

鄭家衝等處經守備何昇等帶兵迎擊適大兵亦已趕到合力協剿賊卽竄過將軍店欲奔隨州應山諒此敗竄餘匪兩路截殺自可殄滅無遺

同日汪新奏言臣因探聞賊匪復竄西北飭令

附近樊城各卡並駐守夾河洲等處之鎮將道員等晝夜偵探加意嚴防茲據探報本月十三

四五等日有賊匪一股由棗陽西竄似欲逃向
豫境隨據駐守宜城西岸之侍衛烏什哈達具

報十六日晚有賊七八百人在古河口測探水

淺將欲偷渡當經率領兵勇奮力追擊鎗礮疊
發傷斃賊匪多名餘賊不敢前進退向官莊茅

子洲等處遁去又據襄陽道胡齊崙具報十八
日午刻有騎馬賊二十餘人率領羣賊前來夾

河洲渡口沿河吶喊公然喚渡正在激勵鄉勇
迎敵忽據郝家營委員知縣高璐州同俞克振
飛報有賊數百將策馬亂流徑渡該道當留候
補同知虞友度州同董邦安在渡口與賊相持
立即督率原任廣西蒼梧縣知縣陳華祝投効
從九品方文七品職銜生員邱映甲抽帶壯健
鄉勇馳赴該處整隊林立果見賊衆乘馬浮水

內有執旗賊目二人經行營千總甘宗羅李時
霖譚正常等箭射鎗打墮馬落水立即躍入河

心生擒到岸餘賊一擁奔搶經該道督同員弁

鄉勇開鎗擲石傷斃賊匪順流漂沒無數其在

對岸站立及郝家營之賊因知賊目被擒震駭

奔逃當因無船未得過河追剿獲犯王世華方

正彩均係逆首姚之官田賊營頭目遣令率眾先

行沿河探看淺灘希圖竄逸當卽寸磔示衆又
據粵標中軍候補副將馬爲錦具報十八日卯
刻老鸛灘王家河地方各有賊數百人潛行窺
探將欲鳧水偷渡當經放鎗擊退又據襄樊同
知蕭與潔遊擊什圖賈永吉等具報十七八等
日潘家臺陸良河報恩寺等處均有賊各數百
人前來窺探當經開礮放鎗旋即奔竄並據陸

續擒獲奸細李莊士等三十餘名前來現俱訊

明正法

臣

查前此賊匪竄向豫界均由夾河洲

等處涉水徑渡今妄希由此復竄該處河洲綿

長五十餘里經

臣

派令鎮將道員等各帶兵勇

分段安營且河身先已築壩蓄水深至七八尺

丈餘不等斷難徒涉是以連日分投力撲並無

一名竄越均奏入

命圖竄賊當哨七營示眾又

上命軍機大臣傳諭額勒登保福寧曰黃栢山賊匪
屢被官兵剿殺勢漸窮蹙希圖突竄經成德等帶
兵截殺將夜遊山一帶山梁全行攻取此次官兵
打仗不避危險奪據要隘阻遏賊人出路甚屬可
嘉文圖著交部議敘所有出力兵丁著賞給一月
錢糧其受傷陣亡者查明加倍優卹現在黃栢山
各路營卡聲勢聯絡賊匪被圍日久糧食將盡福

寧務督率官兵一面嚴密防堵卽一面設法迅速
進攻四方臺掃蕩賊巢額勒登保現已自湖南起

身來楚不日可到福寧能於伊未到之前將賊匪

剿淨方爲福寧之功至福寧摺內奏稱飭令各該

鎮將督率弁兵更番迭換緊對賊卡環放鎗礮等

語殊無此理緣官兵丁往往未見賊匪先放鎗礮

鎗礮爲行軍利器必須賊匪近前始行施放方爲

得力若僅對賊卡環放豈不施之無用之地况更
番迭換焉有如許火藥接濟必致臨敵轉形短少
而弁兵等亦必至於疲乏殊非用兵之道嗣後當
飭知將弁等勿得空放鎗礮糜軍火勞兵力也

上又命軍機大臣傳諭惠齡景安汪新曰湖北襄陽
一帶賊匪節經官兵剿殺分股奔逃其竄至滹河
鎮迤東之賊經景安預派弁兵防堵並於夜分乘

其不備潛抵賊屯處所分投撲擊將賊匪截回所
辦甚好深合機宜其分路帶兵邀擊賊匪之遊擊

六十五都司曹星俱著咨部議敘至竄近襄陽賊

匪於夾河洲地方希圖偷渡經汪新督飭該處員

弁帶領鄉勇迎頭攔截將賊匪擊退無一名竄越

其生擒賊目之千總甘宗羅李時霖譚正常奮勉

可嘉均著咨部議敘以示鼓勵現在賊匪向南逃

竄距豫境已遠惠齡等於東南西南正南三路分
兵兜剿惟當鼓勵將弁乘官兵勝勢上緊兜圍以
冀剋期竣事

二十九日庚子巴克坦布慶成奏言臣等同副都

統訥音總兵德齡德光各帶滿漢官兵由桐栢

山邊界截剿因聞賊匪折回東北漸近信陽州

地方臣等連夜繞山抄截於十七日至信陽州

屬駱駝店地方適遇賊匪當經官兵迎頭截殺

賊復南竄查近日賊匪並不與官兵對敵惟從

山內深林密箐轉折竄逸專走高峯峻嶺路徑

陡狹僅容一騎臣等帶領官兵兼程前進於十

九日至應山縣邊界之界河地方探知賊匪復

行折回北竄臣等恐步兵繞回追趕不及令在

該處駐扎先帶馬隊馳往詎賊匪在山瞥見官

兵繞來紛紛越山向東南逃遁倘由大路竄至
東望店距河南武勝關甚近仍可北入信陽

臣

等若追蹤前進必致折回又恐兜剿不及隨卽

督兵由僻路兼程抄繞二十一日先至武勝關

賊匪已向北來相距二十餘里一聞官兵在前

又復竄至東南深山

臣

等詳查桐栢信陽孝感

黃陂四州縣大山綿亘二三百里處處可通賊

情狡猾奔竄靡定武勝關爲楚豫接壤緊要驛

路現無兵勇防堵

臣

巴克坦布帶火器營步兵

暫在武勝關防守俟豫省防堵之兵到來再行

接續前進

臣

慶成與訥音德齡德光帶領弁兵

先卽加緊抄截惟期速擒首逆早靖餘氛奏入

上命軍機大臣傳諭惠齡德楞泰景安曰巴克坦布
等奏武勝關一帶現無兵勇防堵巴克坦布帶兵

暫在該處防守武勝關既爲楚豫交界緊要之處
自應設有專汛何以無兵防堵或係調往他處著
景安查明具奏德楞泰現經起程務當加緊行走
以期迅速到川並著沿途探聽如一得川省蕝功
之信卽於途次轉回先赴襄陽協力兜圍將姚之
富等擒獲自可迅速蕝功

南陽郡南陽縣人也

少時嘗與父共田父曰汝必能成大事

公孫氏曰汝必能成大事

其後因與父共田父曰汝必能成大事

曰汝必能成大事

其後因與父共田父曰汝必能成大事

曰汝必能成大事

欽定剿平三省邪匪方略正編卷三十
丁巳年

三月初三日

癸卯

與肇奏言

臣

接准額勒登保等

移知令將現在荊州滿兵一千七百餘名帶往

襄陽

臣

即將撤出鎮筮乾州二路兵分爲四隊

于二月初四日親領頭隊自乾州起程二十一

日至荊州次日接奉

上諭令

臣

迅速前往襄陽合擊賊匪

臣

遵將滿兵內

患病者撤回挑足一千七百名仍分四隊于二
十四日自荊州起程俟行抵軍營會同惠齡擊
除賊匪奏入

上命軍機大臣傳諭惠齡曰荊州距襄陽不遠計興
肇於二十八九內可到前據惠齡等奏殲斃多賊
並擒獲姚之富之孫賊勢益加窮蹙現又添興肇
所帶得勝生力兵丁一千七百餘名軍威壯盛豈

尙不能剋期竣事再劉起榮一犯現經解到令軍
機大臣等嚴訊據供前在張家壩地方焚燒村莊
抗拒官兵有李槐劉啟華幫同打仗又前在白龍
觀聚衆時有李述同高成傑入夥衆人都稱他爲
李叔約三十多歲劉起榮被獲李述在隨州一帶
逃散等語除高成傑一犯早經官兵殲斃外所有
李槐劉啟華李述三人俱係賊中要犯並著惠齡

等留心查拏按名就獲勿任漏網

初四日

甲辰

惠齡恒瑞舒亮奏言臣等前同慶成

在鄭家河等處將賊剿散賊匪分路狂奔所有

兩河口以下經

臣

惠齡於報恩寺等處派員築

壩三處積水漸已寬深並因宋家埠口至陳家

中營綿延一百餘里水勢深淺不一

臣

隨飭委

總兵馬瑀督同原任總兵楊秀等帶領官兵一

千數百名襄陽道胡齊崙帶領鄉勇六千名分
段安卡悉力嚴防並委總兵徐昭德帶領兵勇
在黃龍嘴一帶防禦其襄江西南各岸灘高水
淺處均撥兵勇嚴守飭委侍衛烏什哈達特松
額會同地方官督領稽查詎賊匪狡惡異常其
由西南逃竄之賊探知臣等兩路截剿率其黨
與連夜狂奔夾河洲襄江等處躡淺偷渡冀向

西南各處分逃旋據烏什哈達等稟報賊匪屢
向郭海營等處窺探均經擊退並據馬瑀胡齊
崙稟稱十八日賊向唐河之劉家大灣郝家營
老鸛灘潘家臺王家河等處或六七十人或一
二百人乘夜潛來到處窺探並騎馬欲渡唐河
時馬瑀胡齊崙楊秀督率分守卡段之副將白
守忠等各帶兵勇排列河干鎗打箭射殺賊不

下二百餘人餘均竄回行營千總甘宗羅李時
霖譚正常等生擒賊目王世華方正彩二名並
各路擒獲賊夥詹成彬李莊士等三十五名解
送前來訊據供稱姚之富等因剿捕緊迫商同
四散奔逃既可牽綴官兵並得苟延殘喘昨來
分起偷渡不料竟被官兵打退姚之富等不知
逃往何處至東南一路是李述張富國帶領夥

黨逃往隨州應山一帶山內藏匿現在不知下落等語當將該犯等分別凌遲正法旋差探賊

匪又折向滹河鎮一帶臣等帶兵兩路抄截於

二十日卯刻至新店地方遙聞鎗礮之聲料係

豫省官兵乘夜截剿隨一面差探一面埋伏果

見賊匪紛紛而來我兵迎擊殺賊又經伏兵四起截殺六七百人生擒執旗賊目戴有成等三

十七名一併凌遲梟示並探悉賊匪竄赴邢家

川屯聚隨於二十三日子時進發黎明趕到賊

匪正在炊爨不料官兵驟至卽有賊目數人執

旗招集騎馬賊匪約四百餘人直來衝撲我兵

馳馬迎剿左衝右擊殺死多人餘賊偕步行賊

匪奔上對面大山臣等分領官兵向上直撲賊

卽站住山腰拋石如雨我兵冒險齊上因山路

拗折馬力難施各兵均下馬攀援追殺賊匪不能抵當卽於山勢陡險之處側身滾下我兵從上拋石擊打殺死百餘人餘賊四散奔逃官兵分隊追趕各殺死一、二百人不等墜岩跌死者不可勝計並擒獲活賊張大有等八十三名奪獲牛馬刀械無算旋據探馬報稱賊匪敗後復分爲兩股一向洪山一路南逃一向泰山寺一

帶東竄^臣等公同商酌恒瑞舒亮帶兵往追東

竄之賊惠齡帶兵往追洪山竄匪二十四日^臣

惠齡行至丁字店遙見相離十里外隱有烟起

遣人前探果有伏賊四百餘人當卽帶兵剿捕

殺死二百餘人擒獲朱正昭等十四名婦女幼

孩八十五名餘賊分竄訊供與前獲之犯相同

並稱此內並無頭目因係分起逃走我們因落

後做飯遇見官兵大衆商議總想要官兵分投
追趕頭人等好從無兵處逃走所以忽分忽合
毫無定準等語當將該犯等正法婦女幼孩押
解地方官暫行收禁分別辦理查此數日內

臣

等所遣探馬回報均稱各處皆有賊匪潛匿人
數多寡不等迨經遣人往捕又已逃逸無蹤鬼
蜮情形實堪髮指今據朱正昭所供與現在情

事適相符合是其借此牽掣官兵以便姚之富
等從而遠竄已無疑義雖各逆實在去向獲犯
均未供明而查看東南竄匪人馬較多姚之富
等當在其內但其勢已窮蹙若再加緊逼剿賊
黨益分不特兜截愈難且恐各首逆乘隙漏網
或情急自戕轉得幸逃

國法現在臣等互相知會暫緩窮追一面帶兵抄

繞小徑四路分安然後漸逼漸緊務將各匪驅
歸一處以便聚而殲洗仍一面募有認識姚之

富等並熟習路徑之人數名帶作眼目分遣查

訪一經探明實在下落卽行四面合圍悉力掩

捕至慶成一路自與臣等分投剿捕之後相離

較遠屢次差弁往探尙無回信卽慶成處亦無
信寄到現復專人持札囑其將如何剿賊情形

自行奏報庶可早慰

聖懷惟聞應山一帶近有無賴棍徒冒充教匪恐嚇鄉民乘機搶掠並據應山縣具報有賊匪數百名在近城一帶滋擾經該縣莫子捷督勵鄉勇直前擊殺現已退散等語查該縣界連豫境且爲驛站衝途殊關緊要臣等已經飛咨慶成囑令分遣將弁速行撲滅毋致蔓延

同日景安奏言查前此浙川內鄉教匪陰謀糾

結經

臣

督兵馳往剿捕教匪悉予擒誅至鄧州

唐縣新野邊境村莊當賊匪竄擾焚掠時所有

遷避民人經

臣

督飭各地方官妥爲安置量加

撫卹未致遠徙賊退後隨即招集歸業雖被焚

房屋未能一律興修現在或搭棚棲止或於附

近借居仍得及時耕種甚爲安堵再連日探得

中路賊匪經

臣

處截剿出境復竄至棗陽隨州

一帶有惠齡恒瑞等統領大兵趕剿其東路賊

匪現聞竄往應山地面有慶成德光等帶兵追

擊兩路賊情實已窮蹙但分股竄徙無常地方

遼濶難以處處設兵堵截惟有不時差弁遠探

視其趨向相機堵截現在

臣

於鄧州唐縣新野

邊境往來策應總兵王文雄在信陽桐栢一帶

防堵均奏入

上命軍機大臣傳諭惠齡額勒登保景安汪新曰惠

齡等帶兵分路抄截殲賊共有千餘逸匪仍翻山

越嶺四散奔逃實爲可惡昨據慶成奏在東南一

帶追捕賊匪其東奔西竄情形與惠齡等所奏相

同看來賊匪雖已分股奔逃勢漸窮蹙而四處竄

逸並無定向今惠齡等互相知會暫緩窮追帶兵

抄繞小逕分路將賊匿逼歸一處以便殲洗此亦

一法但總須探明賊首姚之富等實在下落併力

掩捕現在興肇業經帶兵前抵該處額勒登保在

黃栢山剿辦完竣亦當移師前赴襄陽與惠齡等

會合而川省賊匪業經宜綿等收復東鄉即可剿

淨明亮等於事竣後復可赴楚助剿襄陽賊匪勢

已潰散今有如許官兵合力堵剿豈尙不能迅速

歲事惠齡等當倍加奮勉設法籌辦再據奏由西南逃竄之賊欲由夾河洲襄江向西南分逃甚關緊要著傳諭汪新督飭官兵將來河洲等處嚴密防堵勿任乘間偷渡又據景安奏東路賊匪現竄往應山地方窺伺滋擾該處與豫省信陽桐栢一帶境壤毘連景安必須督率官兵相機防堵毋使賊匪又擾豫境並著慶成德光等速行帶兵追擊

悉數殲除

初五日

乙巳

額勒登保奏言

臣

自鎮筵起程於二

月二十七日行抵荊州查得自湖南撤回之湖

北滿洲綠營兵四千餘名業經將軍興肇帶赴

襄陽

臣

現領湖北兵三百餘名於二十八日自

荊州前往黃栢山所有兩廣未到之兵一千五

百餘名飭令上緊趲行俟到彼後察看地勢賊

情會同福寧相機剿辦務期迅速成功奏入報

聞

初六日丙午宜綿奏言查通江賊匪竄入巴州之

王家寨與方山坪嘯聚之賊互爲首尾距漢中

府屬均在六七百里以外秦承恩責成知府榮

德鄧夢琴雇募鄉勇分佈防守各隘口臣又派

漢興道文需照料稽查聲威頗壯柯藩於光頭

山事竣後帶領兵勇遍歷安康紫陽各山內追
搜逸匪地方俱極寧謐柯藩已於二月二十二
日行抵東鄉軍營是陝省毗連川楚各邊界有

秦承恩駐劄興安調度策應足資倚仗至巴州

賊匪恃險負嵎經臣派重慶鎮百祥等帶領兵

勇先赴王家寨相機剿辦復調駐守漢中之延
綏兵五百名前往協剿又經觀成英善派知府

李杭都司羅定國等帶領兵勇圍守方山坪邊

其接應王家寨之勢不日自可竣事惟東鄉賊

匪經

臣

與觀成英善收復縣治攻克張家觀賊

巢後賊匪併聚清溪場金莪寺兩處地方甚險

連日踣明途徑派撥將弁分作五路進兵二十

一日

臣

所派副將玉柱等抵楊柳坪正在紮營

詎清溪場賊首冷添祿等膽敢率賊六千餘人

直撲營盤該副將與候補知州劉清等鼓勵兵
勇併力堵剿武童李子青帶領鄉勇五百名由
白堖寨截殺共殲斃一百六十五名生擒二十
三名訊非緊要賊目常卽磔梟觀成英善所派
總兵朱射斗亦於是日帶領兵勇前進將至南
壩場探知金莪寺賊首王三槐等率賊五六千
人在彼焚掠該鎮督兵進擊殲賊甚多賊匪潰

散而去是日兩處殺賊均係倉猝之間以少勝

多賊鋒已挫連日陰雨山路險滑未能進攻現

在朱射斗紮營黃石溪艾如文紮營白瓦溝索

費英阿紮營馬伏山玉柱等紮營清溪場臣與

觀成英善柯藩明興分途馳往就近策應均距

賊巢不過一二十里一俟天色稍霽即可四面

夾攻

同日秦承恩奏言臣前與柯藩剿淨光頭山賊

匪正在籌辦善後事宜適准宜綿咨稱拏獲奸

細何如會供詞內有東鄉賊匪欲歸併巴州通

江先搶漢中再到西安之語又其時襄陽賊匪

擾及河南鄧州邊界拏獲奸細亦有欲潛竄商

維之供臣以此等賊匪詭譎異常所供原不足

信當飭地方官祇須密爲防範不得稍露驚疑

惟是省南三面均有應需堵禦之處而漢中密
邇通巴城守兵丁僅止一百餘名更形單薄計
西安滿漢官兵前後調派出征者四千餘名延
綏興漢兩鎮官兵派赴川楚二省者三千餘名
設有緩急斷難再有調撥是以前摺

奏請添兵茲

諭令柯藩將原帶之兵迅回漢中自當欽遵辦理惟

連接宜綿來信知巴州方山坪等處之賊已派
總兵百祥督率兵勇會同川省四面兜圍柯藩
於未經奉

旨之先已帶領光頭山得勝之師馳抵太平現經派
防金莪寺賊匪北竄之路外患旣遠本境自寧
且先經派赴興安協剿之漢中協兵二百名

臣

已飭令回汛兵威稍壯與月初情形又復不同

此時宜綿正在會合各路官兵剿捕柯藩自應
留川幫辦毋庸令其帶兵回陝均奏入

上命軍機大臣傳諭宜綿秦承恩曰清溪場金莪寺

兩處賊匪負嵎屯聚經宜綿派兵分路進攻賊目

冷添祿王三槐等膽敢率衆抗拒我兵迎頭衝殺

殲斃甚多所辦尙好總兵朱射斗副將玉柱打仗

出力均著咨部議叙其帶領鄉勇截殺賊匪之武

童李子青亦著賞給八九品頂戴以示獎勵該處

賊匪又經官兵分路攻擊大挫賊鋒宜綿觀成英
善等分途帶兵近逼均距賊巢不過一二十里務

當倍加奮勉上緊剿辦至前此秦承恩因聞賊匪
欲歸併通巴潛出滋擾之信奏請令柯藩帶回興

漢鎮兵丁並密調山西兵一千名所辦原未免張

皇今據奏陝西本境尙爲安靜秦承恩惟當在漢

中一帶督率嚴防鎮靜辦理

初九日

巳酉

景安奏言

臣

在中路唐縣新野鄧州

一帶堵截楚匪連日探聞賊勢被剿窮蹙分股

奔逃豫省中路邊境遼濶平坦恐其復行折回

必須分股設兵防堵查浙川地方現已寧貼當

於原留一千兵內撤回五百名正在布置間據

南汝道陳鍾琛稟稱有一股賊匪由信陽之申

陽臺等處翻山竄入確山縣境之石滾河溝竹

一帶滋擾一股賊匪復折向東竄至羅山縣境

之仙花嶺王文雄已帶兵前往堵截又據光州

知州莊莅民稟稱光山與羅山連境之墨斗關

千金堡等處亦有賊匪分投竄入焚掠已稟請

現駐固始之壽春鎮總兵定柱前往截剿

臣查

確山係南北驛路甚關緊要且在信陽之北此

股賊匪急須速行撲滅今聞王文雄已往羅山

僅派叅將德勝帶兵二百名前往截剿恐不足

恃臣當將中路邊防事宜布置妥協分撥弁兵

暫交臬司陳文緯往來照料臣卽親帶馬步兵

六百名星馳抄道前往確山惟相距五百餘里

兼之陰雨泥濘河水漲發步隊難以趲行惟有

趕緊前往相機迎剿並一面密札河北鎮總兵

張文奇酌帶弁兵以巡閱營伍爲名前赴許州

駐紮以備策應除俟臣趕抵確山一帶先將該

處賊匪極力擊退卽探明羅山光山等處剿賊

情形何處緊要再馳赴何處會同截剿奏入

上命軍機大臣傳諭惠齡景安曰襄陽賊匪被剿窮

蹙分股奔逃至河南邊境景安親帶兵馳往確山

迎剿並派總兵王文雄前赴羅山知會壽春鎮定

桂在光山一帶堵截亦祇可如此辦理此等賊匪
自係被湖北官兵剿散分股折回豫省邊界希圖
四散奔逃以爲牽綴官兵之計景安當探明何處
賊多卽先行兜剿寧可使之南竄不致闌入豫境
爲要慎勿因楚省潰敗餘匪一任湖北官兵往來
追捕不但兵力易於疲乏而緊要賊首及屯聚賊
衆轉不能併力殲擒致墮奸計至首逆姚之富等

現在何處惠齡曾否探明實在下落設法掩捕又
巴克坦布慶成在武勝關一帶追剿竄匪該處距
信陽州不遠伊二人曾否已至信陽截剿抑又往
何處剿賊何以未據奏報並著查明具奏

初十日 庚戌 福寧奏言 臣 自前次督率官兵奪佔

夜游山賊卡後嚴飭鎮將帶兵緊對賊卡日夜
施放鎗礮不令賊人稍有休息祇因春雨連綿

山路溷滑復經知會成德文圖並各鎮等一俟
晴霽卽行四面攻剿又因小薄道嶺一帶賊人
所築卡塙甚堅當將新鑄大銅礮三尊派弁送
至黃金嶂營盤應用並設法誘賊下山茲慶溥
一路將水連賊卡茅蓬焚燒淨盡諸神保一路
截殺竄賊多名餘匪逃回原處拒守察看情形
併嚴訊獲犯據供逆首林之華覃加耀自知滅

亡在邇併力死守添築卡牆到處挖濠堆石爲
苟延旦夕之計而薄道嶺爲四方臺屏障四方
臺又爲賊巢門戶逆匪精銳大半在此一路亟
應設法進取二十七日天氣開霽臣督率諸神

保慶溥關騰各路同時進攻成德文圖率領副
將朱士奉褚大榮等帶領漢土官兵分三路進
攻小薄道嶺一帶賊卡賊人吹號聚衆鎗礮如

雨我兵向上仰攻又將大礮施放賊人情急分遣逆黨多人由山溝潛出冀截我兵之後成德

文圖督率兵將分投剿殺斃賊無數奪獲鳥鎗器械數十件自二十七至二十九日攻撲三晝夜賊人憑高恃險用大石滾木盡力堆放我兵被傷不少副將朱士奉身先士卒鼓勇而登左膀受有鎗傷把總王永寧亦受石傷士遊擊阿

朋松多土都司楊德明土守備作斗交及土把
總等均各受鎗石傷輕重不等我兵並不退却
俱衝鋒奮勇向前直至賊卡之下拋擲火彈將
賊人卡內茅蓬燃著逆匪慌亂撲救旋燃旋熄
適值大雨卡牆壁立道路狹窄又復泥濘恐更
多傷兵力暫行停止臣查賊匪此次復被官兵
殺死多人益形迫蹙我兵又已緊逼現在額勒

登保已帶領巴圖魯侍衛等官及湖北廣東廣西兵共一千八百名又總兵張廷彥帶領宜昌施南兵二千餘名俱將次可到無難一鼓殲除

同日慶成訥音奏言臣等督兵於信陽邊界截

剿逆匪連日偵探賊匪竄入楚豫接壤之天台

山一帶深山并在附近村莊焚掠查天台山北

面爲豫省確山光山兩縣邊界路徑叢雜均有

歧路可通東北尙有柴山蓮塘山勢極險峻

臣

等選帶精壯弁兵由豫省邊界向前截剿總兵

德齡德光等自西北一帶督兵掩襲詎賊匪登

山越嶺捨命狂奔山路陡險林密箐深官兵不

能騎馬攀援而進德齡等拏獲活賊據供東股

賊衆由深山逃竄常在山巔暗窺官兵總欲乘

間東竄江南邊界或北入豫境滋擾

臣

等以賊

集三才圖會卷三十一
三
衆豕突狼奔東北面各要隘兵勇設一時防堵

不及所關匪細德齡等仍帶步兵追剿臣等卽

帶領巴圖魯侍衛弁兵等日間紮營暫息兵力

夜間啣枚疾行於二月二十八日繞出光山縣

界葉家灣地方計已抄至賊前臣慶成卽帶副

將丁有成遊擊涂登弼等督兵由東北山口進

攻臣訥音與副都統銜六十七等帶馬兵先上

山梁賊衆正在造飯一聞官兵驟至拋棄食物
越山逃遁忽遇德齡等追兵遂驚慌亂竄我兵
乘勢鎗礮齊發斃賊甚多總兵王文雄亦自西
北帶兵截剿前來賊人復由原路向西南一帶
大山逃竄官兵追殺三十餘里天晚暫爲紮住
伏查賊匪屢次窺伺豫境均被官兵攔頭截殺
未能深入滋擾現在巴克坦布帶火器營兵丁

留防武勝關重山間隔不及接續前來臣等所

帶打仗滿漢馬步弁兵二千餘名不敷分佈圍

剿現在一面盡力抄截相機剿殺若與惠齡恒

瑞等不拘何路官兵相近即可彼此知會併力

夾攻

同日汪新奏言查楚北自上年軍興至今各營

應需軍儲均經安站設夫以資飛輓又各營日

需擡送糧餉鍋帳等項並經另設隨營長夫以
資搬運其應需夫價口糧前因例給不敷食用
酌定各站長夫守空之日給銀一錢行用之日
給銀二錢隨營長夫按日概給銀二錢仍各給
口糧一升通飭一體照辦茲臣於抵襄後留心
體察如襄陽安陸德安各屬半年以來被賊往
來滋擾墟市零落軍行所至食物昂貴各夫日

得雇價不敷果腹隨營在站各夫奔馳日久未
免漸形疲憊應卽另雇解送以供挑換近日官

兵追剿多在隨州棗陽等境山深地僻無從覓
食各夫均須多帶乾糧且賊蹤倏忽無定俱有
戒心必得酌增雇價方能踴躍赴募但需費較

多不可不亟籌調劑

臣

再四思維楚北土騾十

馬實已搜採無餘而各境驢頭不乏尙堪購辦

且日食止需麩草喂飼亦易臣現已差人分赴

附近各境捐貲採買健驢一千頭並委員往來

催集日內購足卽飭分撥各營站以供馱運竊

計一驢負重可抵兩夫有餘健驢一千每日可

省二千餘名夫價以節省之贏餘稍補長夫加

價之多費卽日安襄剿匪事竣如黃栢山軍營

尚須轉運此項驢頭復可撥赴濟用似屬有益

又昨接據應山縣具稟有賊數百人在近城一帶滋擾節經督率鄉勇放鎗擊退俱卽向東逃竄隨准惠齡咨稱慶成現在帶兵前赴應山已

由武勝關直前追剿所需糧餉軍火臣已飛飭

藩司祖之望及漢黃道張道源就近督飭撥解接濟並令毘連各境多集鄉勇嚴爲堵截以便大兵掩擊均奏入

上命軍機大臣傳諭惠齡額勒登保福寧景安慶成
汪新日福寧攻圍黃栢山雖經焚燬賊卡殲戮匪
衆仍未能奪佔四方臺直搗賊巢自係聞知額勒
登保將到是以爲此一奏敷衍塞責且摺內所奏
情形亦多不實如飭令將弁緊對賊卡日夜施放
鎗礮一節殊無此理綠營兵丁往往未見賊匪先
放鎗礮虛費火藥於無用之地最爲惡習福寧方

當嚴行飭禁乃轉令將弁緊對賊卡施放鎗礮至
於日夜不止兵丁等不得休息必致不戰自疲兼
恐火藥糜費太多難於接濟臨敵轉形缺乏福寧
若祇敷衍虛詞已屬無謂倘竟係如此辦理實爲
失策可笑又據奏小薄道嶺一帶賊卡賊人吹號
聚衆鎗礮如雨等語賊匪聚守多日不能四出搶
掠卽存有舊時所搶火藥應亦無多何從得有如

許火葯鎗礮竟至如雨此必係綠營將弁怯懦妄

報陋習虛張賊勢希冀邀功福寧不察虛實據以

入奏所言實不可信額勒登保現已到彼伊係久

經軍旅之人於調遣兵丁及查探賊匪虛實皆所

諳悉務須會同福寧查明虛實認真督率弁兵力

加振作卽行設法進攻擒拏首逆至福寧此次打

仗將弁兵丁奮勇進攻間有被傷殊堪憫惜所有

受傷各兵均著查明各賞一月錢糧副將朱士奉
把總王永寧及受傷兵丁均著分別等次咨部照
例加賞其受傷之士遊擊阿朋松多土都司楊德
明土守備作斗交並土把總等均著各照綠營將
弁之例一併咨部賞恤以示鼓勵又湖北潰敗賊
匪竄入豫省邊界慶成訥音等繞出光山縣地方
抄至賊前截殺由東北山口進攻總兵王文雄亦

自西北帶兵截剿所辦尙好現在該處賊匪向西

南一帶大山逃竄自不致再向東北擾及豫境但

慶成由東北山口進攻後曾否追及賊匪巴克坦

布在武勝關防堵曾否帶兵會合抄截伊等所帶

馬步弁兵雖不敷分佈圍剿豈不能追殺賊匪今

究在何處殺賊且所奏亦屬遲緩現在惠齡一路

官兵正在西南追剿業經慶成等就近知會夾攻

此次竄回西南之賊惠齡等正可迎頭剿殺與慶成等兩面夾擊官兵曾否會合景安在確山堵剿曾否將賊匪全行擊退深爲厯注惠齡景安慶成等務須倍加奮勉剋期蕝事毋得稽延時日致賊匪再行乘間北竄又據汪新奏籌辦糧餉事宜現當官兵分路追剿賊匪之時糧運正關緊要汪新採買健驢以供馱運旣可節省夫價糧運又可迅

速所辦亦好汪新惟當督飭員弁趕緊運送毋悞
要需

上又命軍機大臣傳諭蘇凌阿王柄曰景安奏湖北
賊匪分竄豫省之確山光山等處已派總兵王文
雄前赴羅山知會壽春鎮定柱在光山一帶堵截
光山羅山等處與安徽潁亳一帶境壤毗連恐賊
匪被剿緊急乘間闖入王柄現無應辦要事著卽

以巡閱營伍爲名前往潁亳一帶於豫省交界處
所駐劄彈壓密爲防範爲定柱後應至蘇凌阿係
該省總督呼應較靈該督亦卽以巡閱營伍地方
爲名前赴交界處所督率防堵毋令豫省潰逃賊
匪竄入安徽境內總須不動聲色妥協防守不可
稍露楚匪有闌入江境之信以致民情惶惑也

十二日壬子景安奏言臣自新野拜摺後由泌陽

陳家店帶兵趕赴確山初五六日大雨臣鼓勵

弁兵冒雨涉水不分晝夜邁行因探聞賊匪由

吳家集直向東北奔竄卽係遂平驛路臣恐步

兵遲緩先派馬隊二百名令都司曹星同知噶

勒炳阿馳往臣帶步兵四百名隨後策應復飛

飭叅將德勝帶領防守確山兵二百名由遂平

一路前來迎擊連日賊匪正向東北一帶沿山

集賢堂卷之三
三
奔竄曹星等帶領馬隊前往抄截賊匪見官兵

不多竟敢撲拒該都司等奮勇衝擊殺死七八

十名賊匪始行折回由楂牙山向西北奔竄查

西北係舞陽地面當令曹星及守備李光斗帶

馬步弁兵由楂牙山一路追剿臣率領德勝及

遊擊六十五帶領步兵直趨舞陽抄至北面截

擊並飛催河北鎮總兵張文奇帶兵由西北迎

壓其舞陽之北舞渡係水陸通衢最關緊要當
卽派令葛勒炳阿馳赴該處多集鄉勇嚴密防
堵查此股賊匪爲數雖不滿千但沿山出沒無

常東擊西竄畏脅復衆臣處僅有兵數百名實

屬不敷分抄現在惟先由北面截剿俟張文奇
帶兵前來兩路夾擊務期迅速撲滅奏入

上命軍機大臣傳諭惠齡景安曰景安奏帶兵至確

山遂平一帶截剿賊匪情形所辦尙好賊匪自湖

北竄入河南確山境內向東北奔竄經景安派兵

截剿復折向西北舞陽地方奔逸看來賊匪往來

無定希冀竄入平坦地方焚掠滋擾實爲可恨此

股賊匪必有爲首之人在內恐其到處畏脅又復

糾聚景安務宜倍加留心趕緊截剿並將賊首設

法生擒剿盡餘黨景安前在浙川時帶兵尙有干

餘名何以現在所帶兵丁僅有數百其餘兵皆在
何處卽著該撫將現在如何派撥是否再需酌調
之處查明具奏

十三日

癸丑

汪新奏言竊照襄陽地方習教從逆

及良民被逼人夥者經

臣

欽奉

恩旨謄黃宣諭如能及早投出概免究辦隨據各屬
具報赴官投首者絡繹不絕均卽登記名姓設

廠給糧卽藉撫卹以事羈管月餘以來各廠投

出之人尙爲寧靜並據駐守夾河洲之襄陽道

胡齊崙具稟三月初一二等日行營千總吳鑽

巡檢蕭應登在雙溝黃龍岡一帶巡哨均經檢

獲串錢二百文上繫逆詞一紙字句狂悖隨卽

派員改裝易服密帶鄉勇赴附近各村莊偵緝

旋據候補知縣徐鏞慶拏獲形跡可疑賣粥之

張之生一名於粥擔內搜獲錢七掛逆書八紙

押解到營訊據供稱該犯先在賊營充當探馬

正月間被官兵打散回家有族兄張宗懷張宗

魁自賊營回說要找尋打散之人回去幫同打

仗交給書信及錢各十分令在雙溝等處隨便

丟棄俟拾得之人傳說四處打散的人知道自

然前去合夥等供當卽仍委徐鏢慶率同吳鑽

蕭應登馳赴張家集拏獲張宗懷張宗魁朱起
貴朱應貴王有明李興邦等六犯究出居住武

家坡之武致雍武致和武小二三犯均由賊營

潛出逆詞係武致雍所寫該令立即乘夜前赴

武家坡將武致雍武致和武小二等按名拏獲

起獲逆詞十一紙並銀錢等物押解到營訊據

武致雍供稱上年該犯與姚之富同謀起事今

年二月二十六日姚之富因人少令同武致和
武小二張宗懷張宗魁朱起貴王有明等七人
一同出來招集各處逃散之人抵敵官兵書稿
是賊營內葛應宗所寫我帶出照樣謄寫佈散
又恐無人見拾所以拴上二百錢書內寫的午
月午日白陽刼盡等語想是捏造我同來七人
已都被獲朱應貴朱起貴張之生李興邦都在

集三卷身自入皇統卷三
三四
賊營認識是從前打散出來我們纔到家中就

被拏獲尙未招集有人餘犯所供大畧相同隨

令默寫字跡符合

臣

查現在招撫投出之人甚

多節被官兵擊敗畏懼逃散者亦必不少正須

妥爲佈置該首逆等當疊經痛剿之餘尙敢愍

不畏死潛遣逆黨捏造妖言復圖勾結實爲可

惡茲幸及早發覺悉數撲捕不致復爲煽聚預

戢亂萌因思雙溝等處向爲賊匪屯聚出沒之
區現獲各犯應卽就地辦理以彰

國憲而靖衆心查武致雍武致和係起手滋事之
犯情罪較重業飭寸磔梟示其餘張之生等八
犯均屬同惡相濟亦飭概行正法奏入

上命軍機大臣傳諭惠齡景安汪新曰湖北賊匪因
被官兵剿殺黨與漸少輒敢編寫逆詞令夥匪武

致雍張之生等暗中布散糾合潰敗匪徒幫同打
仗可惡已極汪新督飭所屬留心查察將武致雍
等卽行撲滅分別正法預戢亂萌深爲可嘉著賞
給金盒白玉搬指各一個大小荷包火鏢包以示
優獎道員胡齊崙防守夾河洲一經該處員弁拾
獲逆詞卽派員密往偵緝亦屬出力胡齊崙前已
賞戴花翎著賞碧玉搬指大小荷包知縣徐鏢慶

率同巡檢蕭應登行營千總吳鑽先後拏獲武致
雍張之生等犯俱屬留心徐鏞慶著以知州通判

補用蕭應登著以知縣陞補吳鑽著以守備陞用

此次布散逆詞各犯雖俱拏獲但賊匪現被官兵
剿急恐夥匪在各處潛行煽誘者尙多汪新務須
倍加留心飭屬嚴密偵緝以靖奸萌雙溝等處與
豫省南陽新野一帶接壤難保無夥匪潛入景安

亦應一體嚴查密訪如有此等匪徒必當拏獲嚴
辦再此次起獲逆詞內有偽稱兵馬大元帥姚張
王黎四姓其姚張二姓自係姚之富張富國其王
黎二姓又係何名字並著惠齡等究明如業經拏
獲則已若在竄匿必須嚴拏務獲